

叢書集成新編

一一九

新文豐出版公司 印行

叢書集成新編 第一一九冊目錄

史地類

明別史

明書一七一卷(一)(卷六六至

一七一)

江上孤忠錄一卷

明稗史

洪武聖政記一卷附提要

國初事蹟一卷附提要

青溪暇筆一卷附提要

大駕北還錄一卷

聖駕南巡日錄一卷附提要

遇恩錄一卷

一統肇基錄一卷

震澤紀聞二卷

致身錄一卷

革除遺事節本六卷附提要、

補正

革除逸史二卷附提要

復辟錄一卷附提要

龍興慈記一卷

庭聞述略一卷

清 傅維麟纂

藝 輔

一

清 黃明曦著

藝 海

五二二

明 宋 濂撰

借 月

五二八

明 劉 辰撰

借 月

五三四

明 姚福言撰

紀 錄

五四五

明 陸 深撰

紀 錄

五四九

明 陸 深撰

紀 錄

五五一

明 劉仲環撰

紀 錄

五五五

明 夏原吉纂

稗 乘

五五七

明 王 鏊撰

借 月

五六一

明 史仲彬自序

學 海

五七七

明 黃 佐撰

嶺 南

五八一

明 朱陸樛撰

指 海

五九五

明 楊 暄撰

學 津

六〇三

明 王文祿撰

紀 錄

六〇八

明 王文祿述

百 陵

六一一

天順日錄一卷附提要

古穠雜錄一卷

賢識錄一卷

病榻遺言一卷

見只編三卷

庚申紀事一卷

召對錄一卷附提要

違聞錄一卷

存是錄一卷

東江始末一卷

存漢錄一卷

先撥志始二卷附提要

痛餘雜錄一卷

逐鹿記一卷

國初禮賢錄一卷

星變志一卷

汰存錄一卷

武宗外紀一卷附提要

江變紀略二卷

蜀難敘略一卷

明 李 賢撰

明 李 賢著

明 陸 鉉撰

明 高 拱撰

明 姚士麟撰

明 張 潑撰

明 申時行輯

明 梁 億言

明 姚宗典輯

明 柏起宗述

明 高斗樞撰

明 文 秉著

明 史 惇編

明 撰人不詳

明 撰人不詳

明 撰人不詳

清 黃宗義著

清 毛奇齡纂

清 徐世溥著

清 沈荀蔚述

今 獻 六三三

紀 錄 六三六

鹽 邑 六四六

借 月 六七二

寶 顏 六七四

今 獻 六八三

借 月 六八八

借 月 七〇一

仰 視 七〇三

澤 古 七一〇

續 知 七四五

稗 乘 七四九

紀 錄 七五〇


紀 錄 七五三

仰 視 七五六

藝 海 七五九

逸 史 七六五

知 不 足 七七一





志十

太子太師。太子太傅。太子太保。俱從一品。太子少師。太子少傅。太子少保。正三太子賓客。正三皆東宮大臣。而佐

葢詹事府明初以勳舊兼領之建文立爲皇太孫以公輔大臣兼宮師保爲尊重後不葢詹事府三太以道德輔教太子而謹護翼三少奉太子以觀三公之道德而教諭賓客侍太子規誨贊相禮儀而先後之其後無專授獨爲勳戚大臣兼官加官贈官

重國子監監有祭酒一人。^四掌國學舉人貢生官生恩生功生廩生幼勸臣教訓之事。司業一人。^六爲之貳。修古樂正成均之政令。造以明體適用之學。以孝弟禮義忠信廉恥爲之本。以六經諸史爲之業。數以降師親友誨書寫字。有不率者扑之。不俊徒誨之。以升室積分及格敍用之法。而勵益之。以厚饌賸。師生以力用給廚膳。以賜予市恩賚。以事假悉人情。以撥歷練吏事。以考選汰冗濫。歲中春秋上下日記。

明倫彙編
卷六十六

1. **Introduction**
 2. **Methodology**
 3. **Results**
 4. **Discussion**
 5. **Conclusion**

明
書
卷六十六

1121-11

先師則總其禮儀上謁先師幸太學祭酒司業執經進講有講章其屬有監丞一人正坐繩愆廳奏領入諸師生怠不率教及廩膳不潔並糾懲入背誼之而堅明其約束博士從坐博士廳分經訓授助教從

政正學錄九從坐正義崇志廣業修道誠心率性六堂專教訓嚴程課講說經義道約之規矩典簿一人從

典出納文移受金錢爲師生餽李報諸生課業做書以聽於翰林歲杪奏上典籍正掌經史子集及制

書堂饌一人流。掌飲食。師生於是禮部尙書侍郎翰林詹事春坊司經局若國子祭酒司業官勝相流。

通而遷補因之獨稱華重焉祭酒司業例不坐蘇倫堂南面以帝尊幸學設御座惟東面西面而其署亦遂稱曰東廂西廂云。

太常寺專祭祀禮樂之事卿一人。正三
少卿二人。正四
提督四夷館少卿一人。正五
寺丞二人。正五
典簿二人。正七
博士

二人正七凡天地神祇之祀饗。總其官屬。籍其政令。以聽於禮部。贊天子致虔。先歲孟冬。進來年祭日上御。

正朝受之類諸司凡上躬祭相禮儀大臣攝亦如之若祭先朝諸省牲大祀上先省大臣繼省之進版

郊廟社稷。凡親王之國。若朝遣告。謁辭於廟。凡祭。滌器。饔饎。香燭。玉帛。帳幄。必恭潔。玉三等。制鼎五等。牲

四等樂四等舞二辨其名稱而奏其之凡樂器不徒而陵園之祭無樂凡祭掌燎看燎讀祝奏禮對

屬奏樂提督四夷館八卿掌譯書之事以聽於翰林院凡八館曰韃靼女直西番西天回回百夷高昌種

文請上真祝版名大體尊費式義所同有申變見是古一人正

設君臣之位。以率羣臣之節。拜跪之節。皆尊尊。而文事之為本。邦二。正。月。

樂二十人。未入考協雅樂。凡舞人音聲人籍。蔽其名數而審律之。凡至佳凶曼之聲及舞夫節者。皆禁川

之凡上至祀所。夜懸燈殿。凡祭先期。演樂於太和殿。其天壇設司祭署。奉祀一人。從祀丞二人。典司寶

場殿宇廚庫林木時澆掃之以供其祀事。地壇朝日夕月祈穀殿亦如之。凡祖陵、皇陵、孝陵、及長陵以下

國陸陸陸但和祭奉風一人祿丞二人而本寺復有犧牲所設更目一人後九凡三祀牲牢咸有數

明
書
卷六十六

三三三

光祿寺。明初置宣徽院尙食尙禮二局。設院使同知。院判典簿。統二局。尋改光祿寺。正四品。移太常司供
需庫。移置法酒庫內。酒房。又改寺爲司。隕從三品。置良醴堂。醴署。設令及丞。監事。又設奉
牧所。革局庫。又復爲寺。改令曰正。又設司牲局。改革牲所曰司牧局。定設卿一人。少卿二人。寺丞二
人。其屬典簿一人。錄事一人。分大官珍羞良醴堂醴四署。各署正一人。署丞一人。監事四人。
六。司牲司牧局各大使一人。寺卿掌祭饗宴勞酒醴膳羞之事。辨其名數。會其出入。量其豐約。以聽於
禮部。少卿寺丞爲之貳。凡祭禮。諸親牲進飲福酒。凡薦新供品物。凡喪葬供祭物。凡牲果嘉蔬。移上林
苑。其不給市諸民。視時估十加一。凡市直季支。凡貢獻果鮮廚料。省受之。凡器皿。移工部。若募工。兼作之。
歲省其成敗。凡宴待番夷貢使。差其等供之。凡傳奉貢索籍記而覆奏之。監以科道官各一人。大官供祭
祀。宮膳節筵。給災濟貧之事。珍羞供宮膳茶飯。良醴供殿獻官膳。均給內外官人吏匠之事。掌醴供祭祀
齋膳茶飯之事。司牲司牧職養牲。既其肥瘠。而調滌之。凡廚役久得爲王典膳。移吏部。
太僕。古官也。明初寺設於滁州。及定都。設於京師。而遼山西陝遼東並爲行太僕寺。若苑馬寺治焉。設卿
一人。寺丞三人。寺正八人。後省五人。其屬主簿一人。典庫大使一人。卿掌牧馬之政。令以
聽於兵部。少卿則分督京營馬。若畿馬。及京衛山東河南大郡。掌牧馬。寺丞佐之。三年更。凡牧人皆視
其丁產而授馬焉。屬其賦役。乏則更。凡馬肥瘠登耗。籍其毛齒而時省之。三歲皆御吏往印烙而差擇之。
選其良。凡草場歲徵其租金。國災。出以佐市馬。凡租金。恩蠲或災蠲不得兼。御蠲必轉移相抵。不得虧
軍賦。主簿省文移。庫則貯馬金。

鴻臚寺。明初爲侍儀司。尋改爲殿廷禮儀司。後定爲鴻臚寺。設卿一人。左右少卿二人。寺丞二人。其
屬主簿一人。司賓司儀二署。各署丞一人。正卿贊八人。序班五十四人。卿掌朝會賓客吉凶禮儀之
事。少卿寺丞爲之貳。凡日朝朔望朝。大朝會宴享。經筵進歷進春冊。對祭祀。傳制。奏捷。百官四夷見謝辭。
率其屬而供事焉。主簿典出納文移。司賓典四夷朝貢貨儀。從其等而教其拜跪之節。司儀典陳設
引奏禮儀。皆丞領之。鳴贊贊禮。有內贊。通贊。對贊。傳贊。凡五等。序班侍班。齊班。引人。舉班。糾儀。而外
吏通事皆隸焉。

尙寶寺。明初爲符璽郎。周典瑞職也。設卿一人。少卿一人。寺丞三人。卿職在禁廷。守寶璽符牌印章
而辦其所用。有事請於內。既事奉而藏之。少卿司承爲之貳。凡寶十四。曰奉天之寶。以鎮萬國。祀天地。曰
皇帝之寶。以冊封賜勞。曰皇帝信寶。以徵軍旅。曰天子之寶。以祭享鬼神。曰天子行寶。以封賜夷蠻。曰天
子信寶。以調發蕃兵。曰制誥之寶。敕命之寶。用如其文。曰廣運之寶。以識黃運藉藉。曰御前之寶。以進御

座從車駕。曰皇帝尊親之寶。以答賜宗人。曰敬天勤民之寶。以訓迪有司。凡用寶。捧寶。從寶。洗寶。與印校
監俱。凡護守侍衛令牌之號六。曰中木火土金水。以警夜巡。金牌之號五。曰仁義禮智信。以嚴守衛。凡半
字銅符之號四。曰承東西北。巡者左半。守者右半。合契而從事焉。凡銅牌之號一。曰勇。以稽巡卒。凡牙牌
之號五。曰勳。曰親。曰文。曰武。曰樂。以察朝參。凡祭牌之號三。曰陪。曰供。曰執。以謹祀事。凡雙魚銅牌之號
二。曰殿。以肅直衛。曰善。以潔祀壇。凡符驗之號五。曰馬。曰水。曰達。曰信。以給傳郵。通制命。後官多恩
蔭寄祿。無常員。

乃重六科之選。明設給事中。後隸承敕監。尋改隸通政司。洪武十三年。置諫院。設左右司諫各一人。左右
正言各二人。十五年。增諫議大夫。尋更給事中。又改元士。共八十一人。又稱源士。謂政事本原也。二十四
年。始置六科。設給事中。以給事本古門下省掌封駁之官。乃特重之。列署於掖門內。稱最親近。已又遷
掖門之兩翼。後定分六科。如六部名。科各都給事中一人。左右給事中各一人。給事中吏四人。戶八
人。禮六人。兵十人。刑八人。工四人。後減科。視事繁簡爲定員。爲天子親吏。掌侍從規諫。補缺拾遺。分察
六部百司之事。而糾其弊誤。凡制敕宣行。大事覆奏。小事署而頒之。有失封還執奏。凡臣民所上章。下讀
而署之。殿正其違誤。而主德闡達。朝政得失。百官賢佞。小許專達。大許聯署奏聞。凡朝。六科輪一人立殿
左右。班筆記言。凡大事廷議。大臣廷推。大獄廷鞫。六堂科皆與。凡諸司題奏。日附科籍。不可行者鈔參之。
五日一銷。註嚴稽緩。朝奏門籍。六科流掌焉。內官傳旨下。覆奏待旨而施行。朝覲考察拾遺。然秩僅七品。
而地親切。專糾駁。防專恣之漸。稱清要職。

中書科中書舍人。先是本中書省官。後改直省舍人。能中書省。隸承敕監。監革。復中書舍人。建文中。改
侍書。入文翰館。永樂初復故。存中書舍人二十員。而恩蔭寄祿及文華殿東房內閣兩房。亦俱中書舍人。
無常員。而進士餘除者恥並列。中書科無正貳。資深者握篆。掌書諸敕冊符券。凡草請翰林院。實諸
內府。左券實諸諸古今通集庫。凡諸敕勅令。以急就章爲號。凡諸敕之號四。曰仁義禮智。曰十二支。曰
文行忠信。曰千文字。滿則復周。權輕甚而爲清衙。科道多出其中。
行人司。明初設行人。左右行人。尋改行人爲司正。左右行人爲司副。更增行人三百四十五人。後定
行人三十六員。職專奉使之事。凡頒行詔敕。冊封宗藩。撫諭蕃夷。徵聘賢才。及賞賜慰問。賑濟軍旅。祭
祀。設大臣。皆序差焉。而司正司副多爲選滿官。不出差。凡法司議成。囚徒送五府者。填稽徵繳內府司。獨
甲科得入。無雜流。稱清職。科道十常八九焉。
太醫院。明初爲醫學提舉司。改太醫院。設使一人。正判二人。吏目一人。正御醫十八人。其屬

三三三三三

照磨所照磨一人從九庫大使一人從九所屬衙門除各州縣則有宛平大興二縣各知縣一人正六

縣丞二人正七主簿二人正八典史各一人從九府學教授一人從九訓導六人從九陰陽學正術一人從九醫學

正科一人從九司獄司司獄一人從九都稅司大使一人正九副使各一人從九宣課司四各大使一人正九副使各一人

稅課司二從九分司二各大使一人從九副使一人從九巡檢司四各巡檢一人正九緹捕局大使巡邏所批驗

茶引所鐵冶所各大使一人從九開官三人從九倉草場大使五十人從九府尹掌京兆之政令宣化和人勸

農問俗均貢賦節征徭謹祭祀閱實戶口糾治豪猾振恤窮困清錄罪囚務察知百姓之所疾苦而時撫

摩之歲撥實徵十歲造黃冊凡賦役皆按冊丁產而均適之歲貢府學一人三歲合試歲貢生而貢士焉

月朔奏老人坊廟聽宣諭歲立春迎春進春耕藉田奉青箱播種以從農勸成家人季終造引帳上國有

市易平其賈召商而時給之凡學校軍匠積貯牧馬柴炭河渠隄防僧道醫藥之事率其屬而分理焉丞

治中通判推官爲之武經歷典人文移知事佐之照磨主磨勘卷宗校校佐之

外官則十三省承宣布政司司初爲行中書省先是分中書省爲六部尙書往往出爲參知政事而參政

多入爲尙書建文中每布政司止設布政使一人永樂中復舊而北平改京增貴州宣德三年罷交趾布

政司定爲十三省每省司設左右布政使各一人從二左右參政各一人從三左右參議各一人從四布政使擬

古方伯掌一省之政令朝廷有德澤禁令承流宣播以下於有司凡僚屬文武官歲廉其稱職不稱職者

上下其考報撫按以達於吏部兵部都察院三年則率所屬府州縣正官及首領官朝覲於京師詳第其

稱職不稱職者於部院聽廢置十年會戶版以登民數三歲大比貢合省之士而提調之歲貢學生府州

縣衛有差宗室官吏師生軍伍以時班其祿俸廩糧祀典神祇恪謹其時享水旱疾疫災傷請免民田租

賑貧乏民有孝弟行義貞烈表著者疏請表揚錄其孤獨廢疾者收給養母失所凡供邦國之用曰貢曰

賦貢有二曰常貢曰暫貢賦有二曰本色曰折色凡役有二曰力役曰雇役視府州縣土地肥瘠人民多

寡均其數而下之民均乃已凡出納錢穀必平凡制用必節省有大政經費定而請於撫按若總督其國

慶國哀遺使朝賀弔祭於京師天子即位則左右布政使來見而清軍督糧分守邊備撫民屯田水利驛

傳之事因事置無定員亦無定衙首領官經歷一人從六典史各一人從七佐之照磨一人從八理卷宗檢

校一人從九佐之理問從六典刑名辯疑請允副理問從七及提按案牘佐之庫大使副使主庫庫局大使副使

主營繕而陝西獨有茶馬大使副使各肆焉

提刑按察司明初曰各道按察司洪武十三年罷置各道按察分司以儲士王存忠等五百三十一人爲

試僉事入按二縣諭之曰治吏之弊莫甚於貪墨而庸鄙次之今天下府州縣官於斯二者往往有之是

以弊政日滋民受其害故命爾等按治其地凡官吏貪否軍民利病皆得廉問糾舉二十年改分司爲四

十一道後定爲提刑按察司建文中改肅政按察司永樂中復故設按察使一人正三副使一人正四僉事

一省刑名按察之事諸官吏姦邪貪酷罷黜得糾察擒治平獄刑獄雪冤枉諸官私豪猾之干治者以振

揚風紀副使僉事爲之武其歲察臧否畫議大政朝覲慶弔如布政而分道巡察提學兵備撫民巡海清

軍監軍治河驛傳各事因置無定員或使副使僉事無定衙官不備則兼領之首領官經歷司有經歷二

人正七知事一人正八照磨所有照磨一人從八檢校一人從九司獄司司獄一人從九隸焉

都轉運鹽使司明初置於兩淮繼置於兩浙後於河東陝西河南間長蘆福建並置而四川納谿白渡置鹽

馬司而河東獨有儒學知府制設都轉運使一人從三同知一人從四副使一人從五判官一人從六其屬經歷司經歷

庫大使一人從九副使一人從九所屬衙門則有鹽課司批驗所鹽倉各大使副司運使掌議事以聽於戶部同知副

使判官爲之武凡常股存積之鹽以時征而貯之以待商人中支以供邊儲京帑之用凡分司鹽課司鹽

倉批驗所各以僚屬分任其事而運使總領之糾禁私煎私造私竊諸奸弊謹受巡鹽御史之政令而中

鹽課提舉司設提舉一人從六同提舉一人從七副提舉無定員其屬吏目一人從八庫司所倉如都轉運司而

政令亦如之

行太僕寺明初設於北平山西陝西遼東後北平改太僕寺餘如故設卿一人從三少卿一人正四寺丞

定員其屬主簿一人從七卿掌馬牧之事而聽於兵部少卿寺丞爲之貳凡邊衛營堡府州縣軍民莊騎操

馬印烙課校孳牧以時督察之凡馬種牡十二牝十八馬金地畝十七椿朋十三凡馬府耗問俸則馬降

級出革懲董之藩臬不得預馬事考馬官苑馬寺亦如之主簿典守籍牒

苑馬寺永樂中置於陝西甘肅後遼東亦置焉設卿一人從三少卿一人正四寺丞一人正六無定員其屬主簿一人

各監牧監正一人正九監副一人從九錄事一人正九園長一人從九卿掌馬牧之事而聽於兵部少卿寺丞爲之貳

凡馬種上苑萬匹中苑七千下苑四千不及則銀市茶易焉凡牧地曰草場曰荒地曰熟地嚴其禁令而

封表之凡牧人曰恩軍曰隊軍曰改編之軍曰充發之軍曰召募之軍曰抽選之軍皆籍而食之凡馬駒

二年一科十八年而免定駒頭駒重駒籍而報之有常期虧駒有罰主簿如行太僕寺監正領苑牧之事

監副佐之錄事守籍牒園長率羣長而修牧事

各府設知府一人。正堂一府之政令。教養其所治民。同知。正通判。正推官。正同知通判無定員。因事設。推官有至二員者。共爲之佐。凡資與科貢。均平賦役。崇慎祀典。禁姦頑。表良善。訊刑獄。審冤滯。存困窮。糾察所屬吏治。而上下其考。以告於撫按藩臬。以達於吏部。務周知百姓之所疾苦。若籍帳。軍匠。傳驛。馬牧。倉庫。盜賊。河渠。溝防。道路之事。雖有專官。皆總領而綜督焉。若朝覲慶賀。帑帑。直隸府得直達。省府達布政司。凡詔敕。例令。勘測。下。於屬使。行。所屬之政。皆受約於府。府制量重輕而令之。大者白於撫按。及藩臬。議允乃行。同知。清軍匠。或兼巡捕。通判。管糧。捕盜。治。修河。牧馬。推官。理刑。名。分。職。任。後。專。官。吏。賢。否。首。領。官。如。按。察。司。經。歷。一。人。正。知。事。一。人。正。照。磨。一。人。正。檢。校。一。人。正。司。獄。一。人。正。未。入。諸。州。設。知。州。一。人。無。論。直。隸。或。屬。府。皆。掌。一。州。之。政。令。教。養。其。所。治。民。同。知。判。官。因。事。添。設。專。設。無。定。員。爲。之。佐。以。吏。目。一。人。爲。首。領。官。州。務。上。親。府。下。親。縣。以。月。計。上。府。以。歲。計。上。省。以。三。歲。之。計。上。吏。部。同。知。判。官。如。府。同。知。通。判。事。分。職。任。事。而。領。於。知。州。吏。目。出。納。文。移。或。分。領。州。事。縣。設。知。縣。一。人。正。掌。一。縣。之。政。令。教。養。其。所。治。民。縣。丞。一。人。正。主。簿。一。人。正。凡。諸。縣。務。如。州。而。於。民。稱。最。親。歲。貢。舉。生。聽。試。於。學。憲。三。歲。貢。士。聽。試。於。鄉。試。歲。造。實。冊。十。歲。造。黃。冊。民。之。賦。役。視。丁。產。爲。差。歲。以。時。徵。其。賦。役。有。業。賦。金。銀。布。帛。及。諸。貨。物。之。賦。有。力。役。雇。役。借。借。不。時。之。役。皆。視。其。天。時。豐。凶。地。產。盈。耗。與。人。力。貧。富。調。劑。而。均。節。之。若。歲。大。歉。中。款。請。於。府。藩。臬。撫。按。視。歲。而。時。蠲。減。焉。無。幸。富。強。苦。貧。約。凡。關。稅。必。詢。其。情。理。考。諸。律。例。而。決。之。有。不。服。聽。陳。於。上。雪。理。焉。凡。養。老。祀。神。表。善。賑。恤。窮。通。貨。之。事。時。省。而。敦。行。之。凡。山。海。澤。蕞。之。產。資。國。用。者。按。其。籍。而。貢。焉。凡。常。賦。責。糧。頭。里。長。追。緝。若。難。徵。責。里。長。教。諭。鄉。塾。老。人。旬。勘。民。間。細。事。總。甲。巡。察。市。里。弓。兵。民。壯。聽。追。衛。縣。丞。主。簿。清。軍。管。馬。管。糧。管。河。分。職。任。事。視。繁。簡。添。設。或。裁。簡。無。定。員。典。史。職。司。巡。捕。盜。賊。察。照。

儒學。司府州縣衛俱設司府設教授。正訓導。未入。州設學正及訓導。衛如之。縣設教諭及訓導。無常員。視生徒。凡生徒。司府屬。增廣各四十人。州衛各三十人。縣二十人。附學無恆數。視其地之大小。凡學政遊。以碑。提學憲臣申飭之。考其學行而提調於府州縣。必謹受之。凡學官視鄉舉人多寡爲殿最。凡禮儀事。學官司之。

府州縣屬各有陰陽學。府正術。州典術。縣訓術。各一人。有醫學。府正科。州典科。縣訓科。各一人。有僧道司。府僧綱司。有都綱副都綱各一人。道紀司。有都紀副都紀各一人。州僧正。司僧正。道正。司道正。縣僧會司。僧會。道會。司道會。各一人。所有倉。有稅課司。分司。雜造織染局。各有大使。副使。有巡檢司。巡檢。有水馬驛。驛丞。有遞運所大使。有河泊所有草場各大使。有場。有牧場。設提領。稅課司典移。凡商賈。貨。賈。居。雜。市。皆。

有常征。以時權而輸其直於所司。凡民間買田宅。操契券。出直百之三。請印而藏之。凡州縣歲輸及雜賦。若諸贖金。悉登而藏之。倉大使。凡民賦軍屯之入。及諸贖穀。若俸祿糧米。咸收支焉。織染局典織造。凡歲幣有常數。絲與練絲之費。並給於上。司。會其數而稽之。幣成。道於上。司。而納於帑。若宜家非局所織造者。市之以供。巡檢。控山川。要害。嚴禁非常。姦宄。竊發。則應時捕擊。以聽於巡捕。三房計所獲。偽印。強竊。盜。逃。軍。亡。囚。以爲上下。考。批驗所典茶鹽引山。稽其奸冒而慎防之。驛遞典傳郵迎送之事。凡舟夫馬廐。糧。廩。餉。糧。報。官。取。給。丁。田。受。於。所。司。而。籍。其。出。入。之。數。河。泊。所。典。魚。課。草。場。牧。收。牧。馬。聚。陰。陽。學。司。刻。漏。籍。兩。鳴。報。上。爲。水。早。備。日。月。食。供。救。護。醫。學。司。方。藥。訓。諸。醫。生。療。人。民。疾。病。僧。道。官。領。僧。若。道。士。以。清。規。訓。齊。之。凡。數。日。月。食。請。雨。請。晴。配。屬。壇。則。謹。率。其。徒。而。司。其。教。事。凡。春。秋。奏。樂。於。先。師。以。道。童。充。樂。舞。生。市。舶。提。舉。司。設。於。廣。東。福。建。浙。江。提。舉。一。人。正。副。提。舉。二。人。正。其。屬。吏。目。一。人。正。驛。丞。一。人。正。提。舉。掌。海。夷。朝。貢。市。易。之。事。副。提。舉。爲。之。貳。辨。其。使。人。表。文。勘。合。之。真。偽。禁。通。番。征。私。貨。則。其。出。入。而。慎。館。穀。之。吏。目。典。文。移。驛。丞。寓。客。使。僕。豐。其。食。餼。帳。幕。而。上。下。其。等。周。防。之。

武官。提五軍都督府最尊。位六都上。行六都文移曰照會。明初。立統軍大元帥府樞密院。尋革樞密院。總管萬戶定爲指揮。千百戶總小旗。又革都護統軍元帥萬戶府。立大都督府。正一品。以朱文正爲大都督。節制中外諸軍事。又設左右都督。都督同知。都督僉事。及諸事官。已罷中書省分六部。因遂分大都督府爲中左右前後五軍都督府。革大都督。定設左右都督各一人。正都督同知二人。正都督僉事二人。正而恩功寄祿成列銜。無常員。不任事。其屬經歷司經歷一人。正都事一人。正事如六官。以分領軍衛使。事不留滯。權不專擅。都督掌軍旅。各領其都司衛所以會於兵部。而以公侯伯三等祿武功。都督員缺。於列爵中。過其人。以充。居曰軍政。掌印而武。武官。陸極品時。亦得充。凡公侯伯及三等都督。其者。並得充。總兵官副總兵官。其名掛印將軍。稱鎮守者。雲南征南將軍。兩廣征蠻將軍。湖廣平蠻將軍。遼東征虜將軍。軍宜府鎮朔將軍。大同征西將軍。延綏鎮西將軍。寧夏征西將軍。甘肅平羌將軍。薊州淮安鎮守及漕運總兵。以畿內故。不得掛印。稱將軍。遇大征討。則掛平賊將軍。平胡將軍。平虜將軍。征夷將軍。征虜將軍。討賊將軍。或大將軍。前將軍。副將軍。事已納印。設錦衣等上十二衛以衛宮禁。曰錦衣。旗手。金吾衛。金吾。

公侯伯。詳聖賢後裔表。

駙馬都尉。位次於侯。凡向公主。長公主。大長公主。並稱駙馬都尉。尙郡主。縣主。郡君。縣君。鄉君。並稱儀賓。食祿有差。皆不得預政事。明初。駙馬多典兵。惟李堅封漢城侯。後多署宗人府事。嘉靖初。崔元以迎駕封京山侯。

五。 1329

據羽林左羽林右府軍府軍左府軍右府軍前府軍後虎賁左設留守等四十八衛以衛都城上十二衛爲親軍指揮使司番上宿衛無隸屬而他諸衛分五軍都督府轄焉曰留守左藩陽左藩陽右驍騎右鎮南龍虎六衛隸左府留守右虎賁右武德三衛隸右府留守中神策和陽應天牧馬千戶所隸中府留守前龍驤豹韜三衛隸前府留守後武城中神策後忠義左忠義右大衛中忠義後義勇前義勇右大衛前大衛中蔚州左會州富峪寬河興武驍揚神武左十八衛隸後府永樂中設五府各衛於北京而改前北平三衛爲金吾左金吾右羽林前改北平都司曰燕山左燕山右燕前大興左濟州通州七衛是爲上下十衛興騰驤左騰驤右武驤左武驤右四衛亦得名親軍太宗私其所自起也惟武功中武功左武功右以匠故隸工部仍有永清左永清右彭城三衛及諸陵皆設衛衛陵廟不隸五府亦不稱親軍五府掌軍官軍伍之政令凡武職流官世官土官襲替優給優養所衛都司上之府引奏送兵部請選既遷移府下都司衛所凡首領官聽吏部選授給由亦如之親軍衛得直達兵部凡武職詰敕旗役併棺水陸步騎提練俸糧屯糧器械舟車賞賜愆息軍情清勾替補邊腹畫圖貼說薪炭荊革之事分移所司而綜理之經歷典出納文移都事佐之

錦衣衛明初爲儀鑾司先是設拱衛司領校尉隸都督府尋改拱衛指揮使司又改都尉司後爲親軍都尉府統中左右前後五衛軍士而儀鑾司隸焉洪武十五年罷府置錦衣衛親軍指揮使司鎮撫司理衛中刑名如列衛兼管軍匠所謂南鎮撫司也二十年命焚衛刑具盡出其繫囚送刑部二十六年又申鞠刑之禁永樂中紀綱幸用事任遇漸異各緣復司刑名成化中添立北鎮撫司專理詔獄始給印得直達而錦衣衛遂成冤窟矣凡十八所曰錦衣中左右前後五所領軍士五所各分變輿轎蓋扇手旌節旛旗班劍斧鉞戈戟弓矢馴馬十司分領將軍校尉而上中上左上右上上中後中後親軍分領將軍力士工匠馴象所領象奴養象衛掌侍衛之事恩功寄祿無常員多雜濫無賴託其中恆以三等都督或都指揮正
二都指揮同知從二都指揮僉事正三領之凡將軍力士校尉分番謹駕直宿巡察凡大朝常朝駕出入設正
鹵簿儀仗凡皇城四門日夜番直巡警之凡賊盜姦宄街墮溝渠密緝而時省之凡奉旨鞠獄錄囚勸事
典三法司從事凡比試併枷監視焉有指揮使正三指揮同知從三指揮僉事正四鎮撫司掌衛刑名兼理軍匠
分南北而北別印專理詔獄獄成直達上下法司覆議有正千戶正五副千戶從五百戶正六鎮撫從五其屬有經
歷司經歷正六係文職典出納文移多遷謫闕茸有志者恥爲之

京衛皆有三等指揮鎮撫所統千戶所正千戶副千戶管授百戶試百戶所鎮撫正入五年一磨置之曰考選軍政衛三人所二人百戶不能管贊一人兼數印凡總領旗務曰掌印僉書分理屯田驗軍存恤營操守衛皆曰見任管事選使同知僉事正副千戶任之充管官者亦如之不足任事入隊曰帶俸差操凡官

有定員功陸日衆視原額增不啻十九凡世流襲替優給優養隸都督府者上府移兵部親軍衛直隸兵部凡入營者聽京營文武大臣督理衛有經歷一人從七知事一人正八牧馬千戶所蕃牧千戶所翼靖千戶所各有吏目一人從九經歷吏目保文職典出納文移或有收糧經歷一人倉大使副使各一人於京通倉

收支摘要

南京五軍都督府用公侯伯都督同知僉事或流官府三人經歷都事各一人孝陵錦衣等衛隸府留守中等衛各有三等指揮鎮撫正副千戶所鎮撫實試百戶無定員衛經歷各一人所吏目一人

外武官各省都指揮使司明初爲翼元帥府又改爲行都督府省城或稱都衛都鎮撫司洪武二十年置

大監都指揮使司尋改爲北平行都指揮使司永樂中復名大監移之保定而棄其地界朵顏諸戎先置交趾都指揮使司宣德中葉與安南後定都指揮使司十六曰浙江江西福建廣東廣西湖南山東

山西陝西四川貴州雲南大甯萬全遼東行都指揮使司五曰四川陝西湖廣福建山西若外衛及護衛

計三百七十五守禦屯田羣牧千戶所三百七十儀衛司三十二都使司行都使司各都指揮使二人都

指揮同知二人都指揮僉事四人其屬經歷司經歷一人。正都事一人。正斷事一人。正副斷事。正吏目一

正司獄司獄一人。都使司章各省官軍之致命。各率其師。所以謀於五府而進於天子。與市安二司。

九月 三司 七部司皆流。或無安其者。立或考選。立文而後。二一人虎司。每日宣文堂。印。一人東

一人屯田曰軍屯
 故書《補軍器曹正京桑鼎鑿者雖勞並充之》曰見任管事否曰帶奉凡屬委干
 並曰三月朔百官洗官簿摺校察其豐否王歲考選軍政而所置之一人終可事曰軍政掌印一人終

行部官事者不得升公座凡朝廷吉凶之禮視布政司其到各司其事以聽

留守司一人在中郎。一在興部。中郎領皇女新與部領皇女新設王留守一人。正
副留守二人。正
指揮司知

一、二、三

正留守掌守護防禦之事副留守指揮同知爲之貳凡諸政務如都使司而其屬亦如之

外衛指揮使司指揮使一人指揮同知二人指揮僉事四人衛鎮撫二人陞授改調增置無定員掌軍旅

防禦之事使同知食事考選掌管衛事凡世流襲替優給優養報都指揮使司達所隸都督府移兵部每

歲滿無異按察其賢否五歲一考遷或政廢置之一人統德事曰軍政掌印一人統兵一人屯田曰軍政

食盡京糧掘出哨餉銀器灌迎諸難稅巨見管學祖謀行伍巨帶俸差揭月撥軍補軍犒軍莫軍

受一人則尊親繁而無定員有華盛所益易將學甘調道已司省親府軍民指軍英司亦如之

千戶所正千戶一人副千戶二人所鎮無二人百戶十人陸受改調計沿無定員正副千戶選一人掌印。

一人僉書曰管軍千戶至百戶不能皆賢一人常攝數印並選充如衛凡治軍之政必聽於衛衛下千戶

所千戶督百戶下總旗小旗率其伍卒以聽所鎮撫無獄事管軍百戶缺則代之守禦千戶所及軍民千

明倫彙編 卷六十六 一二三三三

戶所並如之其尉吏目一人銓於吏部

兩京僧道官置併錄司。明初爲善世院。特革又復改爲僧錄司。置道錄司。初爲元教院。後改道錄司。禮部舊往代度僧道給牒。贖錢資國用。民免丁錢。太祖曰。罷。若爲令。後下敕清禁之曰。佛本異教。漢時至西西域。當時士民崇敬。後有去鬚髮舍兒童出家者。其修行去色相。絕嗜慾。潔身爲善。道教始於老子。至漢張道陵以異術役召鬼神。禦災捍患。二教立世。久不磨滅者。以此。今學佛老者。皆不循其本。俗妨教敗。行爲害甚大。自今天下僧道。凡各府州縣寺觀。雖多。惟存一寬大所併居之。毋兩處民間。順遺俗者。聽佛經番譯已定。毋得增減。道士設齋醮。毋拜奏青詞。爲孝子慈孫演誦經典報祖父母父母者。各遵頒降科儀。毋妄立條章索民財。民有做瑜伽教稱善友。假張真人私造符籙者。並重治。僧錄司設左右善世。正

教。^{正七}左右講經。^{正八}左右覺義。^{正九}道錄司設左右正一、左右演教、左右至靈、左右玄義、品如僧錄司。凡官各一人分領僧道事。凡僧三等曰禪、曰講、曰教。道二等曰全真、曰正一。凡朝朔望班西墀。慶賀頒詔班東墀。凡祭祀不得預。三茅山崇真宮有靈官。^{正八}副靈官。^{從八}龍虎山有真人。先是洪武初張道陵四十二代孫正常以正一主教天師來朝。上曰：妄甚。天豈有師乎？改號真人。^{正二}予龍山正一玄壇之印。許世襲。其屬有法

官凡方士道士以術幸者賜號高士或真人無品從。

內官初置內使監尋諫吏部定內侍諸司官曰朕親周禮所記未及百人後世至踰數千率爲大患今雖未能復古亦當爲防微之計古時此輩止治酒漿醴醢司服守祀事今朕亦不過以備使令非別有委任可勸其宜毋令過多又顧侍臣曰此輩自古以來求其善良千百中不一二見若用爲耳目即耳目蔽用爲心腹即心腹病取之之道但常戒救之畏法不可使之有功有功則驕恣畏法則檢束檢束則不敢爲非又鑄鐵牌樹之宮門曰內臣不許干預政事預者斬乃定置奉御六十人分司寶冠衣珮諸事太廟酒醴諸局御馬內庫內倉東宮官門官不過百餘人上因謂侍臣曰古之宦豎在宮禁不過司晨昏供役使而已自漢鄧太后以女主稱制不接公卿乃以閹人爲常侍小黃門通命自此以來權傾人主及其爲患如城狐社鼠不可去朕謂此輩但當服事宮禁豈可假以權勢縱其狂亂吾所以防之極嚴但犯法者必斥去不令在左右戒履霜堅冰之意也又詔定宦官禁令復令禮部議考糾內官之法置內正司司正正七司副從七二人專糾內官之不法者尋改典禮司又更典禮紀察司至二十八年頒皇明祖訓遂有定制云

凡監十有一監。設太監一人。正四左右少監各一人。從四左右監丞各一人。正五典簿一人。從五長隨奉御。正六日神

明倫彙編 卷六十六

三三三

事。曰司設監。掌車輦、牀被、帳褥、帷幔。曰內官監。掌造成婚禮妝奩、冠冕、傘扇、鋪設儀仗。并內官內使。貼黃一切造作。并宮內器用、首飾、食米、上庫、架閣、文書、鹽倉、冰窖。曰司禮監。掌冠婚喪祭一應禮儀制帛。及御前勘合、賞賜筆墨書畫管長。隨內使人等出門馬牌。催光祿寺造辦。曰御馬監。掌御馬。及進貢各典牧所馬騾等項。曰印綬監。掌誥券、貼黃、印信、選簿、勘合、符驗、文冊、題本、誥敕、號簿、印信、圖本。曰直殿監。掌掃灑殿廷、樓閣、廊廡。凡皇極門、午門、端門、承天門、各設門正一人。正四門副一人。從四掌晨昏啓閉關防出入之事。置司二。曰鐘鼓。掌奉先殿祭樂。及御樂、宮中宴樂、更漏、朝鼓。曰惜薪司。掌宮中新炭。司各有正。正五副。從五凡局六。曰兵仗局。掌御用兵器刀甲。及宮中所用梳篦刷牙鍼剃之物。曰內織染局。掌織染上用段匹。曰鍼工局。掌造成衣服鋪陳諸物。曰巾帽局。掌造內官紗帽靴襪巾帽。曰司苑局。掌種蒔宮內菜蔬。曰酒醋麵局。掌內府酒醋調和糖餠之類。局各有大使。正五左右副使。從五凡庫三。曰內承運庫。掌段匹金銀珠玉牙鈔等物。曰司鑄庫。掌各門鎖鑰及錢鈔等。曰內府供應庫。掌上用香米油燭。及內人飯食果蔬。設官如各局。後又設都知監銀作局。而東宮置六局。曰典寶。典樂。典膳。典服。典兵。典乘。局各設局郎。正五丞。從五其後親幸者曰近侍。或懸牌子。曰牌子太監。季年益濫。多加厚玉。不復舊品從矣。

內女官詳宮闈紀

軍錄事諸官。後定制置長史司。左右長史各一人。正典簿一人。正審理所。審理正。正副正。各一人。典膳所。

典膳正。正副從。各一人。奉祀所。奉祀正。正副從。各一人。又有典樂一人。正典寶所。典寶正。正副從。各一人。

紀善所。紀善二人。正良醫所。良醫正。正副從。各一人。典儀所。典儀正。正副從。各一人。引禮舍人三人。工正

所。工正。正副從。各一人。是爲八所官。又設伴讀四人。從教授一人。庫股大使副使各一人。而相傳餘官

并罷。建文中增賓輔三件。賓友進對侍坐。稱名不稱臣。永樂初革。設各官如故。長史掌王府之政令。輔相

規諷以匡王失。王府請名。請封。請婚。及請乞恩澤。若陳謝。進獻。表。啓。書。疏。皆主焉。奏上。下禮部議。請。王有

過詰長史。凡府僚皆統於長史。紀綱其職。審理掌推按刑獄。典膳掌祭祀賓客。及王若妃之膳羞。奉祀掌

祭祀。典寶掌寶符。紀善掌諷導禮法。開諭古誼。及國家恩誼大節。以詔王善良。良醫掌療治疾病。典儀掌

儀式文物。工正主繕造修葺工役。伴讀掌侍從勸講。教授掌訓迪德藝。校讐典籍。引禮掌接對賓客。而贊

相威儀。倉掌祿俸糧廩。庫掌收藏金帛錢貨。郡王有教授典膳。將軍有教授。如王官職。其武官有護衛指揮

彈使司。使同知。僉事。衛鎮撫。所正副千戶。所鎮撫。百戶。掌儀從王邸。防禦非常。凡有征行。必聽命於朝廷。

江左之民其並免今年田租自是國租之詔屢下遇災早徒布席蓋精誠祈禱不直減膳撤樂應故類也
退朝還宮披民籍不釋手恆接黎者詢察所疾苦先是初即位詔錄寡孤獨廢疾及無田產民不能自養者官爲存恤民年七十以上許一丁侍養免科縣四年詔臨濠之田驗丁力計畝給之不得兼并五年詔天下郡縣立養濟院民不能自生許入就養月給米三斗薪三十斤冬夏布一匹小口給三之二著令若律而憲綱中飭爲率舉先是上念天下貧民以水火葬傷風化詔京師相地設漏澤園天下郡縣擇官田立義塚凡民無地葬者舉葬之著於律八年陝西僉事虞以文上言漢中民多山居而資腹水田多灌莽莫肯出山耕墾蓋以用力勞又畝微其稅是以匿避衆隱減租寬徭使民居平野則田益闢上善其言詔天下皆出山墾墾其租成乃科十九年詔天下行養老之政凡八十以上鄉稱良善貧無恆業者月給米五斗肉五斤酒三斗九十加縣絮有田足自贍者給酒肉帛絮其應天鳳陽二府民八十賜爵社士九十得鄉士天下民八十爵里士九十爵社士許冠帶與縣官均禮優免其徭役官歲存問所給賜委敦篤儒生按月詣其廬禮送之毋給陳著爲令二十年上念民貧富不均也而賦稅復不以實自古往往以田稅飛灑詭寄之親鄉佃僕昏賴推那貽賄賂而貧者益貧遺國子生武醇等隨所在稅畝多寡定爲九區區設糧長四人集者民履田丈量圖其田之方圓曲直美惡寬狹若尺丈書主名及田四至如魚鱗相比次爲冊曰魚鱗圖冊成上之而米季經界之法始行先是詔兵興來所在流徙者所棄田許諸人開墾業之即田主歸有司於附近撥給耕作不聽爭惟墳墓房舍遺故主不聽占已又詔陝西河南山東北平諸地民間田土聽所在民盡力耕墾爲永業弗起科二十二年戶部中劉九皋言古狹鄉民隱遷之寬鄉欲地無遺利人無失業也今北方諸被兵處田荒居民少宜徙山東西之民往就耕上曰山東多曠土不必遷遷山西澤潞民無田者往業之令耕種蠲科縣戶給鈔二十錠備農具焉二十七年令工部移文天下課百姓植桑萊里百戶種秧二畝始同力運柴草燒地已乃耕比三燒三耕已乃種秧高三尺分植之五尺間爲隴每百戶初年課二百株次年四百株三年六百株栽訖具如日報遠者請成邊導道監生人材詣天下督吏民修農田水利而具救天下諸陂塘湖堰可蓄蓄備乾旱洩防溢者各因地修治毋怠亦勿得妄興工役疲吾民嘗諭戶部曰古人有言農桑衣食之本然桑本逐末鮮有救其弊者先王之世野無民不耕室無女不蠶水旱無虞飢寒不至自什一之途開淫巧繼作農桑之業多廢一農執末百家一織組百夫衣欲無食得乎繼自今中明天下四民各守厥業毋遊食遊食者罪庶民之家不許衣錦繡遠者謂庶幾可寒其弊也上又以海運及防倭造大艦若油漆棕櫚悉出於民其閭之命於朝陽門外種桐梓漆樹五十萬株資工用勿賦民二十八年詔戶部言百姓供給繁勞有年山東河南民除入額田地循舊科徵外新開荒者無多寡弗起科有氣力者聽種之三十二年命天下鄉置一鼓遇農月晨鳴鼓督會及時力服田其惰者里老督併之不率者罰里老惰不督勸亦罰先是設孝弟力田科與鄉會並其重農田也如此當時湖廣孝成感官請設預備倉儲粟以賑命行人馳驛赴之謂戶部曰朕常捐內帑付天下者老耄粟復因荒誠急民也若歲饑候奏請而後發則民飢而死者多矣其即諭天下有司

遇田歲不登先發賑賑後乃聞著爲令荆斬災命戶部主事趙初乾往賑期後上怒曰民飢而上不恤咎在上吏受命不能宣上德玩視民死而不救則吏之罪也誅之蓋加意於田之凶如此永樂初制郡邑各置預備倉官出金糴粟若民贖罪入粟收貯備賑擇其地年高篤實人管理之已詔天下郡縣於四鄉各置倉出官鈔糴粟備賑元年敕戶部曰朕即位首命爾等賑荒田無人佃種者實蠲除其租庶弗貽民於患乃因循玩愒不體朕心而有司拘攣額徵收此豈大臣爲君爲民之心其速下所司蠲除之以免民橫擾之苦時尙書奏災災初復業適旱蝗蝻流殍者衆乞蠲實賑濟之上聖然曰民困甚濟之當如救焚拯溺少緩無及也今往還賑實非兩月不可民命在旦夕誰能待之命御史速督官發賑二年安撫江西給事中朱瑋言江西官田租重十倍民田乞於官田折布民田輸米從之七年上幸北京皇太子從道所經田家命皇太子入偏觀令知民艱難因諭以農事爲王業之所自起作務本之訓授焉甯州同知潘正叔言兗州東昌諸郡縣土多曠不耕青登萊諸地民故無田宜徙丁多者就田之三年蠲其役庶地無荒蕪洛陽知縣姚宏言縣有水田二千餘畝歲歲蠲後伊河徙不能灌成陸種歲糴糧供輸苦乞令納麥粟便民皆從之救河南布政使言朕爲天下主所務安民民爲邦本故每歲遣使者循行郡邑欲周知民所苦也近河南饑而有司不以開顧往往言歲豐罔天孰甚焉此朕任非其人之過其速令郡縣發粟賑貸仁宗監國時赴召過鄆縣見男女持筐筥盈路剔草實駐馬問所需對曰歲饑以爲食爲側然下馬入民舍視之見民男女老稚皆衣百結不掩體突釜不冶歎息曰民隱不上達乃一至此乎顧中官賜鈔悉交老前問所苦具以對徹向食賜之時山東布政使石執中來迎責之曰民牧視民窮如此亦頗動念否執中對曰諸被災處皆奏免今年田租矣監國曰民飢且死尙及征稅耶獨有田者無田者苦飢奈何即督郡縣上數約近地三日還五日發粟賑毋催糧發吾見上自奏也至京師即以聞上喜曰昔范仲淹子猶能舉麥升濟故舊喪况吾赤子乎賑之是也及登極詔下言郡縣水旱缺食有司即體勘賑濟其民流徙田土拋荒者爲嚴實除豁召別佃中官田聽照民田例起科已奏報上謂戶部尙書原吉曰士田民所賴以衣食者也今所在郡縣奏除豁荒田者衆豈百姓巧避征徭相率轉徙歟抑年饑不足加以疫癘致死亡也今吾民何以至於此繼自今一切科徭務擇節毋煩苛仍令有司凡政令不便者具條開之救戶工部言農者生民性命之原不可失時國家有不急之役當用人力者皆俟農隙前代蓋有不恤農事而以徭役妨耕作召亂亡者矣不可不謹尋以淮徐山東徵上坐西閣召大學士士奇等下詔蠲田租停官買物料士奇請曰皇上恤民窮甚幸然戶工部事也當召令預聞上曰安之救困窮不可旦暮緩有司慮國用不足往往持不決之意牽之或中尼不行矣呼中官具檄札令士奇等就西角樓立書詔或曰山東地方千餘里豈必盡無收宜差別毋濫恩上曰恤民富厚朕爲天下主當與細民計屑屑耶書畢即用輿道使行已顧士奇等曰汝可語戶工部言三省糧朕悉免之矣宣宗宣德初召戶尙書原吉論之曰朕念自古帝王未有不由民之富庶以享太平亦未有不由民之困窮以致禍亂是以夙夜祗畏用圖治理所冀天時協和田穀豐茂今冬春多雪雨秋似可望然歲計在春慮民陷於飢寒因

於衛役不能盡力田賦其移文成郡邑省衛役勸課農桑貧不給者發賑賑貸毋忽嘗夏月午朝退以天
暑語侍臣念農事之勞也曰朕九歲時皇考親耕藉田中勸不日當午時授之問曰解否對曰解詩蓋
言農事艱難也皇考笑而頷之是朕每觸此未嘗不念及田野銘於心不忘今官軍不復返矣已泣下
沾襟又嘗閱書畫內庫得趙孟頫所繪西湖圖然則西湖詩其上揭便殿壁間尋作維維詞其
悉稼穡蠶絲勸勞之隱而輔臣士奇言各省山起科不一而賦額重小民苦之也蘇州尤甚幸際裕上慨
然詔畫一下已復嚴遠格之令申預備倉儲蓄之令時青州民劉中等二百戶詣闕言永樂中以歲歉流
徙至真定張強今二十年矣業成家今有司道遼山東順附籍最便上曰彼此皆吾土獨計民便安聽
附籍耕田毋追還而福清民亦詣闕言光賢里官民田百餘頃舊堤六百餘丈海水得有隙以田今堤壞
田荒永樂中得旨修迄今未興工築民失業上覽奏太息曰彼地堤堰民所賴以時耕小民赴訴得自達
甚難且苦既得請奈何復倚閣慢廢之乎諭吏部實有司築導下令申飭郡縣凡陂塘開墾年久坍塌不
能儲蓄淤塞不能灌漑者令修築復故為豪強占據妨民者責吐退具實聞已詔府州縣官考滿以農田
水利為殿最風憲官巡視意廢者糾劾之上嘗御武英殿侍臣從容言古聖王制井田最善何以後世不
能行侍臣對曰自阡陌開墾井者多遂致因循若力行亦何難上曰為國養民在有實惠誠能省衛役薄
征徵重本抑末則養民多矣何必拘古法也尋敕戶部曰舊額官田起科多參差稅重民弗勝自今為始
每畝一斗至四斗者減十之二四斗一斗至一石者減十之三永為例當交趾之役命官於湖廣督軍餉
已請尤上忽召戶部尚書原吉曰朕昨思湖廣去歲旱民艱食征南餉廣東近地非乏也其止勿行新安
知縣陶銘言邑在山谷本瘠土薄收民多艱食採拾不自給獨函縣有儲積欲申請待報而民命在旦夕
輒先發給之需秋成還官請伏事擅之罪上曰真民牧也敕褒諭上嘗謁陵還遙見田中耕者以數騎往
視之下馬從容詢其穡事因取所執耒耜三推之耕者初不知為上也既而左右語之乃跪拜呼萬歲上
惻然顧侍臣曰朕三舉已不勝勞况常事此乎人恆言勞苦莫如農信夫命耕者隨上至營賜鈔六十錠
已而道途所經農家悉給如之上多製饌賜侍臣隱隱以田事為念文多不具載正統中詔農桑衣
食本源布政按察司及巡按御史嚴督有司及時勸課民毋有所惰有荒棄田不治者移所在田少丁多
民往種之明當洪宣之際繼以天順遭難力民事三宗恭仁寬恤之令數下民新脫鋒鏑湯火之苦守令
尚保舉而久任肅法字下役簡賦薄開荒田不責賦盡心穡務老幼厭樂肉餼獨餘粟布安堵蕃阜號稱
治平深山大谷野無不墾之田矣景泰中淮徐飢死者相枕藉山東河北流民猝至都御史王竑不待報
亟發廣運倉賑之近者餉以粥遠者給之米力能他救食者為裝遣還其即空廩六十糧居
流民之病者擇醫四十人分治之死給棺窮虛曲當所任使委曲成諭出至誠所全活者甚眾具疏聞且
待罪初流民奏至上於樓檐上讀之大驚曰百姓飢死矣飢死我百姓矣其奈何已得發廣運奏乃大喜
大言曰好都御史不然我百姓飢死矣天順中南畿巡撫劉孜修復廢墜時松江積荒山四千七百餘頃
皆重額久廢不耕稅加於見戶奏請召民開田不論原額肥田畝稅三斗瘠者二斗謂之官租不起科民

墾越之業繼繼開行之六七年積浸至二十萬以備凶荒上嘉賞之成化中敕布政按察二司言國初太
平設預備四倉所以備儲蓄備早潦為民賴也比久廢弛爾等督同各府州縣官將原設四倉覈實見在
儲蓄有無多寡之數仍儘各處在官贖贖金續續備之有不敷聽於存留糧內借撥或於各里上中戶
內勸助以充其看守者以附近里內食殷實有行止者主之有通同官吏實收虛放為侵盜者論如律都
司督同衛所官於其地分置倉亦如之弘治中蓄積大抵又寡而盜繁都御史林俊乞敕省司招民輸贖
入粟補散官及抵罪情輕法重者聽入贖為常平本而募民各以其私立義倉義學義塚名卓俗三義得
表門示旌詔如章施行尋定制貴州縣所儲粟務三年積足周一歲之食而後已大都五十里積粟三萬
石百里積粟五萬石官儲中程者為稱職不及三分而上則有差少六分課殿先是天順初御史楊瑄言
直隸連年水潦民饑相食河間為一鄉田在高阜種小麥將穫而石亭令閭者立標橫占知府王儉不恤
民怨阿附之饒陽田堪耕者少而太監曹吉祥家人逼有司撥與耕儉不嚴禁恐生變上曰民方困於艱
食朕為之寢食不安而在朕左右為大臣者不能體朕意若是擅敢言可嘉詔即還其田至是復申飭焉
而湖廣參議吳世忠言臣昔任給事中時嘗具言水利為農田急務幸准覆行及備員湖藩而所屬陂塘
池堰湮塞如故為勢家填占迷塞者在在有之召里老問之云往朝廷重農州縣以水利為急差官清理
歲有修築而豪強不取填占民有所賴邇年州縣官惟何攝詞訟之為急其於塘堰報冊類非覈實豪強
填占又置不問雖奉旨行勘何嘗一至田畝及亢旱無成恩旨徇免而已先期督徵入官矣民未沾恩而
國用不足往往又額外徵之此獄訟繁興而盜賊多有也惟皇上念足民之道莫先於此守令之職莫大
於此備敕各布政司循行所屬以前詔書從事幸甚上從之五年復禁種種下令塞造酒之源以裕農食
九年設蘇松常鎮湖州五郡所屬地各勸農利丞尋於直隸深趙等七十二州縣及江西湖廣河南各置
勸農官世宗即位復禁造酒趙七年詹事霍綱言洪武初天下田八百四十九萬六千頃有奇而弘治中
存額四百二十二萬千頃有奇失額至四百二十六萬餘是天下田存者各半也而御史郭宏化亦
言天下土田不及國初之半乞敕各處撫按巡監司守令分詣搜括覈實以聞而尚書梁材難其事謂會
聚臣議如宏化言尋御史黎循典上言請開墾山東荒田如沂費嶧滕之間野多曠土積通過多宜下所
司招流移令業之指給牛具種子假以歲月勿征役使得盡力田事少裨國課上善其言上嘗御西苑幽
風亭召大學士暨尚書時及欽侍郎言同觀收穫諭之曰農之苦勞見之紙上不如見之於真我聖祖嘗
有訓曰衣帛當思織婦之勞食粟當念農夫之苦以此觀之委為粒粒辛苦也詔各處水場沙堰等地稅
糧負累人戶賠納各撫按督有司勘明即與除豁自國初魚鱗圖冊及黃冊清土田及稅賦法甚善及歲
久亡不可復開而田多易原主糧過里都獨以田從戶而田之所在不能辨知於是飛灑詭寄買賣推收
為虛偽至不可原詰有地無立雖而籍田驗頃畝者有田連阡陌而版籍無遺石者有實陂田而留虛稅
者有有推無收有收無推者而民多困窮逃亡多有者因其逃為替賴而糧愈益虛至嘉靖間極矣於
是變生民者咸籍籍議丈量吏尚書桂萼言北方民少地寬遼山陝無田之民分耕其地故稱屯時屯民

僑寓新至其受地頃畝也狹社民土著世居之其分地頃畝也廣故新地謂之小畝社地謂之廣畝此北方之民所甚怨於不均也天下任土作貢宜科則較一而南方鄉分里甲皆定稅時吏舞文受賄有輕則重則之殊其在重鄉則下田不免重則在輕鄉雖上田亦得輕則又各州縣沙沒之產即因民間所收佃作之租定爲稅糧此南方之民所甚怨於不均者也惟北方形勢之家欲獨享廣畝之社地不肯爲狹地之屯民分糧南方形勢之家欲獨享輕則之里甲均苦故州縣官欲通行均量即上下索緣多方排阻故民怨無時而已也惟陛下以匹夫婦不獲所之心獨斷於上召大臣平心會議均之則聚斂之利通於天下而清嚴田糧詭寄影射算飛漏之誅乞令巡守分詣地方督州縣將飛詭弊源重者隨田丈量輕者隨戶清理究首尾之因度廣狹之則定高下之科分肥瘠沃之等均崩灘開墾之數各將原糧添入原田歸之原戶而圖都里甲及縣總造冊使甲各收繳州縣因造大冊上之府司戶部及南京後湖俾因戶推田因糧編差戶與田有一定之則甚便上善之而尙書胡世寧亦上言立國者於平定之初不能復古授田之制中葉而後安定成俗而云均田田未易均也今可議惟江南田賦等則既多而里胥飛詭之弊繁江北豪力之家田不輸稅惟小民原業舊田輸之而貧富愈不均宜權救弊之法通行天下田畝各以本州縣額稅爲準田廣狹不均者各丈量而均一之其北方土曠收薄南方江湖沙磧山岡易旱之田做古人上田一夫百畝中田二百畝下田三百畝之意而量寬其畝或令倍折亦不爲過餘履畝丈之或以變更田賦舊額爲疑不知田之制賦視穀入多寡爲差非可以額拘也宜德中因知府况鍾奏減蘇州官田糧額固未嘗以舊制爲拘矣昔在聖王仁政之行必均貧富惟分井授田之爲急後世乃有均田限田之法今既皆不可復惟核其田賦俾有田者有稅無田者無之毋使富民重貲貧者之累而猶曰不可則必富者蠶食貧者推肌瀝髓相推於逃亡死徙而後以爲得歟當是時吉安安福縣糧四萬二千一百一十石而虛糧乃至七千石有奇民困甚鄒守益思之官於朝訴於藩臬郡縣請丈量立法鱗次挨丈而田平均矣上嘉之而河南巡撫簡霄疏請天下丈量田地以爲田賦丈量則貧民有賴無地者得以免賄償之苦而富民有地無糧者難以遂欺隱之私宜熟議其便上以天下有詭寄兼井者第使首出改正不然聽人告發其丈量滋擾不必行裕州故阻險然四衝野多坡坂地確確不皆可田種故俗苦窳窳奇藏輕劑數徒知州安如山白于上爲丈量命者艾董其役命區長驗區畝命量人步阡陌命算人制畝分精核版籍因區定畝因畝準稅區爲綱畝爲目綱以麗目則無漏畝畝爲母稅爲子母以權子則無遺稅平原曠野膏腴之田一當一平石岡田二當一山石岡田三當一山石陡阪之田四當一畝池林麓麻字鋪舍廬市之稅獨之田溢稅則從增稅溢田則從減咨詢便故人無遁情版籍明乃上有定徵疆土別乃下有定輸當是時丈量法未甚具始一二舉行人望風疑懼說者難之時南京御史劉鳳曾江南田地名稱輕重肥瘠有定則歲久弊生惟當隨宜釐正別其奸說則田賦自均乃有司多創立意見紛紛丈量通融變納更易成法奸盜益滋富者轉輕貧者益重雖有均田之名殊無平賦之實制曰可其禁止之自此丈量不行萬歷初上用蘇臣議行丈量法大均天下之田詔下言所爲均賦者用蘇民瘼非

盡地利求增稅也恩意深篤一時天下官無敢不舉行丈量法者撫按官嚴督核深殿最其精強敏練撫字忠愛之吏得因自效而貪橫有司因藉以還私橫賦於是諸方田法令纖悉明具人習步算而田賦清者十五六與時應糧結畝之弊少損於昔其吏能軟寬縱若養交買譽者多饒豪右急貧弱山谷湖蕩之田歲收下下以一法概量之又以一則起科乃其時自郡縣吏而上皆程日力趨工役苟以奉明旨集事爲功而祭酒王材聞而慨然上言經界盛事數百年一逢而有司鮮真切爲民之心祇欲速成以微虛譽是聖祖之尺度不足遵上行之簡書不足畏獨世算以省力之私爲一則之說遂之官味其良心以欺民民抑其本心以徇官取快一時操切之謀無復異日經久之慮則是舉也無如無舉之爲愈也嗚呼書稱成賦必則三壤禮制地征必辨土物禹任土作貢至十有三載乃同者今皆遠之能有行乎乃知經界之法郡縣之民各視其守令賢否爲丈量利病法固不能以自行也嗚呼丈量隱稅非復限田均田之大政良有司欲舉行於下既苦於上下之阻撓而不得行聖天子欲經制於上又病於奉行之苟且而不得善然後知版圖征役固封建五長之事守而非所論於郡縣之世也郡縣之世惟精擇守令版圖征賦聽其以利害爲權宜毋以文法牽庸夫庸婦是六七十年無議及此者崇禎勵精於上以稅畝之不清久矣毅然下丈量法事未及行而天下土崩

洪武初田土實耕在民者計八百五十萬七千六百二十三頃六十八畝零○北直隸八府時尙爲北平省計五十八萬二千四百九十九頃五十一畝○南直隸時爲畿輔各府自爲額共計一百二十六萬九千二百七十三頃五十二畝零○浙江省計五十一萬七千五百一十一頃五十一畝○江西省計四十三萬一千一百八十六頃一畝○湖廣省計二百二十萬二千一百七十五頃七十五畝○福建省計一十四萬六千二百五十九頃六十九畝○山東省計七十二萬四千三百五十五頃六十二畝○山西省計四十一萬八千六百四十二頃四十八畝零○河南省計一百四十四萬九千四百六十九頃八十二畝零○陝西省計三十一萬五千二百五十一頃七十五畝○四川省計一十一萬二千三百三十二頃五十六畝○廣東省計二十三萬七千三百四十頃五十六畝○廣西省計一十萬二千二百三頃九十畝○雲南省國初原無額數○貴州無額畝冊應辦糧差各於上官下總行認納
中葉弘治十五年清丈實耕在民者共計六百二十二萬八千五百八十八畝零比初耗額田二百二十七萬九千五百六十四頃八十七畝
後神宗萬曆六年清丈實耕在民者共計七百一萬三千九百七十六頃二十八畝零○北直隸八府延慶保安二州共計四十九萬二千五百六十八頃四十二畝零○南直隸十四府廣德徐滁和四州共計七十七萬三千九百四十六頃七十畝零○浙江省計四十六萬六千九百六十九頃八十二畝零○江西省計四十四萬一千一百五十一頃二十七畝零○湖廣省計二百二十一萬六千一百九十九頃四十四畝零○福建省計一十三萬四千二百二十五頃零○山東省計六十一萬七千四百九十八頃九十九畝零○山西省計三十六萬八千三百三十九頃二十七畝零○河南省計七十四萬一千五百七十九頃五

十一畝畝。○陝西省計二十九萬二千九百三十三畝八十五畝畝。○四川省計一十三萬四千八百二十七畝六十七畝畝。○廣東省計二十五萬六千八百六十五畝一十三畝畝。○廣西省計九萬四千二百七十四畝畝。○雲南省計一萬七千九百九十三畝五十八畝畝。○貴州省除思南等處仍無畝畝而貴陽平伐思州鎮遠都勻等府及安順普安等州龍里新添平越三軍民府計田五千一百六十六畝八十六畝畝。○後山東濟南府濱州諸縣地一千二百七十八畝畝。○陝西退灘地二百九十一畝八十三畝畝。○今居民耕種畝第科三升收入實徵冊而各處漸次開墾荒田則有耕田二斗肥田三斗之文而無一定之頃畝。

若屯田蓋以國初兵荒之後民無定居耕種盡廢。初命諸將分屯於龍江等處後設各衛所創制屯田以都司統攝每軍種田百畝七十畝五十畝三十畝不等為一分軍士三分城守七分屯種又有二八三七四六一九中半諸例皆以田土肥瘠地方衝緩為差又令少壯者守城老弱及餘丁屯種而徵收之例或增或減本折互收皆因時因地而異焉太祖洪武三年中書省臣奏衛所屯田官給牛種者十稅五自備牛種者十稅四上曰邊軍勞苦能自給足矣尚欲取其稅乎詔勿徵於三年後每畝收租一斗二十年令陝西屯軍五丁抽一稅糧照民田尋令衛所軍士屯田每歲除所收穀種之外餘糧以十分之二給守城軍士已又詔今後犯罪遠戍者發邊屯田時太僕寺丞梁堃仙帖木兒黃河運北甯夏境內及至四川船城塔灘相去八百里土田肥沃井井通行宜命重將鎮之俾招集流亡務農屯田什一取稅兼行中鹽之法可使軍民足食上從之十五年士卒饋運糧有溺死於海者上聞惻然謂侍臣曰昔遼左之地在元為富庶至朕即位之二年元臣來歸有勸復立遼陽行省者朕以其地早寒土曠人稀不欲建置勞民但立衛所以兵戍之其饑饉輸海上每聞一夫航海家人懷訣別之悲然事非獲已髮在朕心必至期復命士卒無虞心方釋然近聞有溺死者朕終夕不寐爾等其議屯田之法以圖長久計於是遼東屯田後沐英請屯田於雲南上喜曰屯田之政不以縣民力足兵食邊防之計莫善於此趙充國屯金城漢章其利後之有天下者亦莫能廢英之是謀可謂盡心矣然邊地久荒榛莽蔽翳用力實難宜緩其歲輸使彼樂於耕作數年之後徵之未晚戶部可亟行之已敕五軍都督府曰養兵而不病於農者莫若屯田今海宇寧謐邊境無虞若使兵坐食於農農必受弊非長策也其令天下衛所將兵屯種庶幾兵農兼務國用以舒若漢趙充國策勳當時垂名來禰諸將能盡力耕作以足軍儲則可以繼美於古人矣二十四年上謂後軍都督英曰據者胡虜近塞兵衛未立所以設兵守關隘也今敵人遠遁塞外清甯而諸軍士名雖守關實廢屯收繼自今每關隘存老幼十餘人嚴密餘悉令屯田尋設屯田御史察核之及天下屯田冊籍成上喜謂侍臣曰朕養兵百萬不費民間一粒米後世若遵守時禁飭之何煩餘儉耶永樂中命靖安侯王忠往北京安插屯田軍民而工尚書黃福奏衛所屯田多缺牛及耕具命官市牛給之耕具於各布政司鑄造二年戶尚書郁新言有屯田歲收數者計一人所耕不足自供半歲食宜罪之上曰法初行有之遂下詔曰屯田軍國之大務諸將不留心於此徒坐享祿食若復侵廢民以貽

明 卷六十七

一三五九

明 卷六十七

一三六一

情軍則民愈困兵日給養畜兵以衛民豈以困民汝等宜深思之若復怠罪不宥尋定樣田例有獲多者立賞格三年各屯所置紅牌刊分管耕屯則例明賞罰而各省皆增察理屯田食事一員仁宗即位諭尙書原吉曰古者寓兵於農兵食兩足無待轉輸皇祖立屯田用心深至迨後所司以征徭擾之既遠農時遂鮮收穫以致儲蓄不充未免轉運其令天下衛所凡屯田軍士不得擅差妨其農務違者處以重法宜德四年給事中戴弁言自山海至薊州守關軍士甚衆操練之外無他差遣并務屯種可以實邊請勸附近荒田斟酌分給且屯田守上嘉納之命戶兵部各道官經理八年敕南京守備及巡撫官各衛所屯田較其所入之數以充軍食使耕種以時毋令下人侵擾正統初大學士楊士奇言國家歲用糧儲浩大皆仰給江南軍民轉運不勝勞苦况河道難通少有阻隔則糧餉不足實非長久之計今在京官軍數多除操練造作外餘悉令於畿輔空閒地屯種備遇豐年必多蓄積可省轉輸此實經久之策上命撥三萬往屯上嘗語戶部曰若陝西沿邊皆宿重兵俱倚食內郡河南陝西多積粟而諸衛多屯田慮有名無實宜命官巡視其廩庾考較其耕獲革奸弊充儲峙於是命戶侍郎焦宏往景泰中學士商輅上言諸口外田甚廣其近地膏腴久為世勳占作莊田而空閒者又復為鎮守等官占為己業軍士無近地可耕夫且耕且守如漢趙充國諸葛亮晉羊祜皆有已行之明效今日守邊之要莫善於此若舍屯種之外而欲邊地充實雖罄府庫之財竭生民之力奈軍士數多歲月久遠亦難繼矣又上言各邊操守官軍寡弱難夫寡弱則不能戰戰難則不能守衣食不給則壯氣沮喪安望其能守也乞選官命往各邊會同都御史將侵佔屯地撥與軍士分為兩番六日操守六日耕種收成之後併力備禦如此則轉輸之費可省又豈有窮弱難繼之慮哉上善其言因敕督撫諸臣嚴督舉行敢有阻壞者繩以法成化中有百戶高洪等已用管他務復乞管屯上曰國家做古屯田之法用成卒耕守蓋寓兵於農之意也地有定業官有定員行之既久其法漸廢成卒多役於私家子粒不歸於公廩管屯則有積蓄之利而無差操之苦所以啓後來者之覬覦洪等宜懲自後軍官不得營兼攝著為令弘治三年山西屯田被水災不及三分例不免糧上曰民飢困方發倉賑豈可復征其免之至正德初權璫劉瑾議修屯田分遣御史胡汝勵楊武周東顏頤壽等往各邊丈量屯田以增額及追完積逋者為能否則罪之又命散銀於近邊州縣百姓買米賄賂耗運送邊倉諸御史奉行苛刻人不聊生各邊僞增每至數百頃悉徵租而周東在甯夏與都御史安惟學尤嚴酷至刑及軍官妻女而屯田且為怨憤基世宗入繼大學士楊一清復極陳屯弊曰廣屯種補屯丁給種種清乾沒防寇掠侵委任明賞罰上善其言詔令屯政都御史劉天和協督撫等官力行之尋以戶部言屯田疆界具有冊籍邇來清混田歸豪家賦累貧軍宜比照黃冊之體凡屯田歲登籍人給一券十年一清釐上從之其後大同巡撫蔣榮上言屯田實塞古人守邊之良法然地方不遠則粟不積牛種不具則田不墾今如宏賜等堡延互五百餘里膏腴之地不下數萬頃召軍佃作復其租徭每至秋各縣附雲集誠禦一助上命飭行之而以市馬銀市牛一年萬歷初御史張齊言屯田往往為勦賊內官及鎮守諸官占據雖奉詔革回而占耕如故吏莫敢問遂以開恩民投獻之端為奸人遁逃之藪請一切清理

還官上令巡按御史查追之先是太祖立紅牌屯田不得私買及代種其後承平日久冊籍湮沒有其數無其處而侵奪愈甚數十年無兵革之事而屯戍祇爲空名雖屯御史年一察巡止問糧之完否而地畝不曾過而問焉崇禎中有淮陰武舉陳啓新伏闕上言屯事當上心立擢爲給事中而實未嘗一爲防禦尋修撰魏藻德應平臺召極言屯田修復則邊貲不煩內帑上大喜乃躍用爲閣學士未幾國亡屯田事究不行

國初原額屯田共計九十萬三千三百一十三頃九十五畝零。○季日見額六十六萬七千二百六十八頃六十八畝零。○分計之。則在京錦衣等五十四衛。并後軍都督府。計屯地五千五十二頃八十五畝零。○北直隸各衛所。

四萬三千六百四十八頃四十六畝零○南京錦衣等四十二衛計二萬二千六百九十六頃六十六畝零○中都留守司及皇陵衛計七千九百五十三頃七十八畝零○浙江都司計二千三百九十頃六十畝零○江西都司計五千四百七十一頃三十八畝零○湖廣都司并留守司行都司共計五萬七百四十九頃七十二畝零○福建都司并行都司計八千六百九十三頃二十二畝零○山東都司計一萬八千四百八十七頃四十九畝零○河南都司計五萬五千五百九十八頃二十三畝零○廣東都司計六千三百三十八頃七十九畝零○廣西都司計四千六百一十頃三十四畝零○四川都司并行都司共計四萬八千八百四頃一十畝零花園基地十九頃三十八畝○山西都司山西鎮計三萬三千七百一十四頃八十八畝零○山西行都司大同鎮計二萬八千五百九十頃三十四畝零牛具地一萬二千九百六十六頃二十九畝零○萬全都司宣鎮計四萬七千八百九十二頃四十七畝零○大甯都司計二千一百二十六頃七十六畝零○陝西都司并行都司共計一十六萬八千四百四頃四畝零○雲南都司計一萬一千一百七十一頃五十四畝零○貴州都司計三千九百二十一頃一十畝零○遼東都司計二萬九千一百五十八頃六十六畝零○共虧原額二十三萬六千四十五頃二十七畝零矣

若官田自明中葉後貴戚內臣有莊田已又有皇莊田徹宋季公田課程典以中官弘治中戶郎中周軫書天子藏富於民而成化來立莊曰皇莊示天下以私不可宜盡賦以興民卽不然革管莊內臣責有司課租粟解部類進亦爲猶愈而景州阜城獻縣民田萬頃界連東宮莊管莊內侍欲冒占民訴於朝命戶員外郎官廉偕御史錦衣官同往勘內侍遣人邀之曰田歸我講讀官可得也廉曰以萬人之命易一官吾不忍爲也至其地徧集居民指故迹明核卒以所占田盡歸民同事者難之廉曰此戶部事我部官後忠我當之不以累公竟得命如章長甯伯周歲以皇太后弟興寔定武強民爭莊田詔刑部郎彭詒往勘實詔詣田所環視訖歸自劾言伏聞爲臣以不欺爲本慮事以大體爲先普蓋嘗君使驍騎收債於薛燾通券舉舉以興民漢景遣田叔按梁獄叔還燾獄辭勸上勿復問計二人之心豈不欲順上命爲恭哉顧以爲大體所在當守護宣德不敢苟從以爲是恭之大也臣鄙賤豈能少希古人然區區之意誠有望陛下既定在堯舜時爲冀州之城賦第一等或雜出第二等說者以爲如周官有田一易再易之類蓋以其

明
窗
卷六十七

地有歲一收有間歲間二歲而一收者故賦有不同世末有遂畝定賦而一畝必兼數畝之地者明矣我太祖高皇帝立國檢覈天下官民田土徵收稅糧有定額已乃令山東河南額外荒田儘力開墾不起科宣宗皇帝又令北直隸地方亦比照前例是祖宗之心卽堯舜之心也天順二年太監韓諒奏討武強縣苑地五百頃而英宗皇帝不許是英宗皇帝之心卽祖宗之心也後因廣置侯家人橫放民不堪擾將前地并韓諒還官地減輕起科已出無奈今周璣又奏求前地有司不能明白敷奏以爲地多餘請再量出無糧地七十餘頃畀之臣等親詣田所見其地有高阜者有低窪者有平坦而礪薄者天時不同地利亦異如亢旱則低者有秋而高者亦地水澇則高處稍熟而低爲巨浸沿河者流溢不常礪薄者樹藝不殖必數畝之地截長補短彼此乘除僅得一畝之入是以堯舜行錯法於前我皇祖許開種於後良爲此也今武強地方逼近京師遣賠馬匹起運糧草砍柴人夫京班阜隸諸項賦繁役重爲生已劇所深賴者願戀地業盡力耕種以取給旦夕未忍逃亡今若計畝丈量餘盡豪奪歸之外戚彼安所復計哉臣知其非死則徙耳自古立國皆重京師爲國根本今真定近在畿內理宜加厚此臣等所謂不可盡量者也夫戚里功臣之家錦衣美食與國同休但能存心忠厚自將富貴永保奚待與民爭衣食之利况聖朝卜世無疆法當垂久地土有限而求者無窮後將何以給之臣等至彼百姓扶老攜幼遮道哀告不覺自失不忍重擾具供執在官外伏望陛下遠以堯舜爲心近以祖宗爲法特賜寬恤庶民間知有生之樂沐浴歌咏本固邦甯而外戚亦咸休無窮矣疏上下詔獄以廷臣交章論救而免其後壽甯侯張鶴齡有河間賜田數百頃欲併其傍近民田千餘頃得之而乞均其稅於民田之無稅者所賜田乞畝稅銀二分戶尙書田數百頃欲併其傍近民田千餘頃得之而乞均其稅於民田之無稅者所賜田乞畝稅銀二分戶尙書周經執不可言河間地多沮洳比因連旱民卽退灘地耕之或稍有收遇潦輒沒儻今卽加稅將貽無窮之害且王府賜田例畝稅銀三分而此獨二分人皆謂待外戚與祖宗藩異矣又憲廟后妃家亦有私賜今賜田比一切奪之彼無以爲業又將謂朝廷待張氏與他國戚異矣屢奏得允後有以雄縣退灘地獻爲東宮莊者上感經奏抵之罪一時貴戚近幸有陳請經一裁以法而上亦慨然俞允嘉靖中給事中底蘊言正德年來大猾擅稱湖蕩不耕之地投近幸勢要具奏建皇莊比近民田多所混賴乞查勘於是詔給事中夏言等會撫按查覈奏報言自天順以來建皇莊僅止五處餘皆正德年所增計爲田二十萬九百一十九頃有奇占民地計二萬二百二十九頃有奇厝階起於奸人欲規盡利以媚朝廷流弊溢於勢家欲奪民產以肥私室在宮闈則中官禁卒緣是四出而郡縣被其騷擾在勳戚則豪奴悍僕藉以勒併而官府莫敢誰何畿輔軍民推磨剝削之患莫甚於此實累朝積弊之政至正德而極也伏望皇上永念國本皇莊田租稅照原例畝納三分解部類進皇親功臣赴闕關領禁中官宦僕僕得出收受幸甚而天子詔下言農食所出王政之首務也各官帶農田衙者不許營別差委撫按務督令舉職循行勸課其原未設官委佐貳主之歲嚴課其殿最其土田爲水衝沙塞江海坍塌者節有豁除所司不能究宣獨優富家不及貧窮加之攤派包賠細民滋困其擇廉力官勘覈除豁之國初幾甸民稀原奉詔儘力開墾永不起科矧今百六十七年生齒日繁土畢墾後尚有荒曠可復請飭諸勳戚之家聽奸徒作使朦朧陳乞者

聽戶部參究。於是給事中夏言御史樊繼祖戶主事張希尹復被命往核察。而給主者召佃者還官歸官者皆遵敕力行之。復上言。各宮莊田。祖宗以來。未之有也。惟天順八年。以順義縣安樂里板橋村抄沒太監曹吉祥地一十頃一十三畝。為中宮莊田。而占民田六十餘頃。計七十五頃。此則宮闈莊田之始。而數年間侵佔。過原額幾至十倍。舉此一處。其他可知。至成化間。增口城縣王甫營莊田。弘治間。增豐潤新城縣三處。至孝廟升遐之後。武宗踐阼之初。一月之間。建立皇莊七處。如大興縣之十里鋪。深溝兒。高密店。婆婆營。六里屯。土城。皆稱曰皇莊。自此之後。設立漸多。而皇莊之名始著。其在昌平則有蘇家口。而三河之白塔。隆平之大灰營。新河之仙汪莊。南宮之皇村。此皆正德元年之所設也。又東安之南葛里。寶坻之李子沽。通州之神樹。武清之灰塢口。王慶坨。靜海之四營口。此皆二年之所設也。至四年又立大興之三河二處。五年則立六里屯一處。七年則立武清之尹兒灣。大直沽二處。八年又立昌平之樓子村。靜海之衛河岸。青縣之孫兒莊。安州之賜馬廟。清苑之關莊。九年則又立安肅之龍花社。數年之間。建立皇莊。如此之夥。其計地三萬七千五百九十五頃四十六畝。然皇莊既立。則有管理之太監。有奏討之旗校。有跟隨之各色。每處動至三四千人。其初管莊人員出入及裝運租稅。俱自備車輛夫馬。不干有司。厥後權奸用事。於是有符驗之請。關文之給。經過之地。有廩餼之供。車輛夫馬之索。其分外生事。巧取民財。又言之不盡者。及所轄莊田處所。又擅作威福。肆行武斷。其甚不靖者。則起房屋。搭橋梁。立關隘。出給票帖。私刻關防。凡民間攬駕牛車。牧養牛馬。採捕魚蝦。螺蛤。蓬蒲之利。靡不括取。而鄰近地土。則展轉移築。封堆。包打界址。見畝徵銀。而豪猾無賴。則投為莊頭。撥置生事。幫助為虐。多方掊剋。獲利不貲。輸之宮闈者。曾無十之一二。而私入囊橐者。蓋不啻十八九矣。此可為太息流涕。伏讀前詔旨。猶有云。係皇莊者。解部類進。臣等竊有疑焉。蓋謂今四海九州之貢賦。山林川澤之物產。凡所以納之司農。輸之內帑。何者。而非所以養一人者乎。孟子曰。尊親之至。莫大乎以天下養。又何者。而非所以奉重闈。慈闈四宮乎。祖宗以來。宮闈一切供用。自有成規。顧可屈萬乘之尊。下同匹夫。以侵畝畝之業。辱宮室之貴。難於閭閻。以爭升斗之利。其何以示天下訓後世也哉。且皇之一字。加於帝后之上。為至尊莫大之稱。今奸佞之徒。假之以侵奪民田。則名其莊曰皇莊。假之以罔求市利。則名其店曰皇店。又其甚者。加以阻壞鹽法。則所販之鹽。名為皇鹽。即此三言。足以傳笑天下。貽譏後世。仰惟陛下。一切掃除。敕該部大臣。查照臣等勘報文冊。將在京附近地方各宮莊田。原不係占奪民田不滿數十頃者。請改為各宮親蠶廠公桑園等名額。令有司種植桑柘。以備宮中蠶事。其餘一應莊田。盡弛以利民。或勒歸戶部。造入版籍。令民照舊輸糧。以為官田。仍榜示中外。盡削皇莊及各宮莊田之名。一洗陋弊。永垂百代之休。議入。上可其奏。而猶未盡革。至季年止存仁壽清寧未央三宮官地六十三處。計地一萬六千一百五十五頃四十七畝。零例定每畝徵銀三分。而皇莊之名及管莊內官俱罷。

若賜田。則初賜以功。無定額。後定以凡公主勳臣國戚莊田世遠者。以十分為率。內虛一處。撥給三分。餘七分還官。若爵級已革。餘賸地畝。於三分中留半給與。親承繼人員。以備護墳香火之用。而一半

仍入官。或嫡裔傳派五世者。遞減。勳臣留二百頃。其戚臣始封本身為一世。至於曾孫為五世。以見在官品為始。以今見留地數為準。二世者分為三次遞減。三世者分為二次遞減。至五世止。留百頃為世業。如正派已絕。爵級已革。不論地畝多寡。止留地五頃。給勞枝看守墳墓之人。餘召佃。每畝徵銀三分。季年實。在坐落北直隸地方有賜田者。六十七州縣。共四百一十九處。計土地四萬四千一百二十五頃四畝。零。若草場牧地。則有正陽等九門外首宿草場。地計一百三頃七十二畝。零。御馬草場五十口。地計三萬三千三百六十一頃五十九畝。零。備修理公廨地四百三十頃。吳家駝牛房地四百六十三頃八十七畝。零。琉璃廠羊房草場地九頃六十五畝。零。上林苑良牧署養牲地二千六百四十頃七十六畝。零。水田九十一畝。零。安州等處牧馬草場地一百一十九頃九十畝。零。鷹房按鷹地九十八頃七十一畝。零。大名等府牧馬地三千一百二十五頃二十一畝。零。陝西苑馬司牧地五萬五千三百二十二頃二十六畝。而鹽場諸地不與焉。

若優聖賢後裔。則孔廟田二千頃。顏孟二廟田八十頃。若給賜賢官。則撥賜河間等處。安插降夷官員。凡都督二百五十畝。都指揮二百畝。指揮一百五十畝。千戶及衛鎮撫一百二十畝。百戶及所鎮撫各一百畝。原無定額。若寺觀田土。景泰三年。令量存六十畝為業。其餘撥與無田小民。佃納稅糧。或有寺無僧。入官撥為民田。而僧道田多。頗編入里甲。納糧當差者。不拘田地多少。聽永遠管業。洪武初。令凡民間賦稅。自有常額。諸人不得於諸王驛馬功勳大臣及各衙門。妄獻田土。山場。鹽冶。遺害於民。違者治罪。尋令各處奸頑之徒。將田地。曉諭他人名下者。許受寄之家。首告。就賞為業。後令將自己田地。移徙換段。曉諭他人。及灑派等項。事發到官。全家抄沒。若不如是。欺瞞小民。復禁勸戚大臣。奏討田地。亦不可強占官民田地。起蓋房屋。事發坐以重罪。其撥置家人及投託者。違戾。而受投獻及投獻之罪。尤嚴云。